



ANDONI CANELLADA / ARGAZKI PRESS

KANTUZ ETA TXALOZ. Imanol Urbietak sortutako kantuak kantatuz omendu zuten maisua, haurrek eta lagunek. Bera ere jarri zuten kantari.

Ume handi bati

IMANOL URBIETARI OMENALDIA. Abestuz eskertu zioten maisu zarauztarrari bere bizitzan euskal musikagintzan egin duen lana. Aurpegi ezagunak, lagunak eta ikasleak bildu ziren

Ainara Gorostitzu | DONOSTIA

Haur eraikitzaile apasionatua da Imanol Urbietak. Hala esan zuen behin Jorge Oteizak, eta hala erakutsi zuen atzo Donostiako Kursaalak. Aretoko oilategiko hutsuneren bat kenduta, erabat bete zen Kuboa, oilo-ipurditan, Imanoli kantatu eta ohore egin zieten lagunek, ikasleek eta euskaltzale askok.

Kaikua jantzita aitzak berarentzat sortu zuen *Euskera oi euskera* abestu zuen orain dela hogei ta bost urte Joxean Urbietak. Atzo, honen semeak, Eriek, zermanan kaikua, eta gitarra Joxeane. Baina berbera zen abestia: *Euskera oi euskera*. Hasi zen omenaldia. Hunkidura nabaritu zen Kursaalean. Hirurogeita hamabost haur inguruk hartu zuten ondoren oholta. Zarautz txiki eta Orfeoi txiki abesbatzetako haurrek kantatu zioten Imanoli, eta omen egin.

Musika eta kantuak izan ziren protagonista, eta Imanol. Batez ere Imanol. Kantuz kantu, abesti eta abesti artean, hainbat aurpegi ezagunek bere esker ona erakutsi zioten maisuari, bideo emanaldi batzuetan. Jose Ignazio Ansorena, Mari Karmen Garmendia, Fermin Iraolagotia, Iñaki Lasa, Maite Idirin, Gari Berasaluze eta Benito Lertxundi izan ziren horietako batzuk. «Iturri bat bezalakoa zara, beti ematen», esan zion Iñaki Lasak.



ANDONI CANELLADA / ARGAZKI PRESS

LOREAK ETA ESKER ONAK. Kontxi Aizarna bere lagunaren alboan igo zen kantaldiko protagonista oholta gainera.

«Zure jakitatea manera sinple eta umil batean eman zenigun, horregatik oso ondo merezia duzu omenaldi hau», adierazi zuen Maite Idirinek.

Oskorrik abestu egin zuen. «Guk gure seme-alaben bitartez kanta horiek eta horien atzean zegoena maitatzen ikasi genuen», adierazi zuen Natxo de Felipek.

Helduak bai, bainak umeak ere ugari bildu ziren Kursaalen. Zarauztarrak eta donostiarrak asko. Ikastolan eta Xirula-Mirulan ibilitakoak gehienak. Baina baita beste herrietakoak ere. Je-sarrita nola oholta gainean,

baina guztiak kantuan aritu ziren. Ezagun zituzten abestiak eta koreografiak. Atzo berandura arte geratzeko baimena zuten, eta aprobetxatu egin zuten.

Haurrak eta helduak, guztiak ume

Bi eta hiru urteko haurrek oholta gaina hartu zutenean, xamurtasuna nagusitu zen ikuslearen artean. Kanturako eta dantzarako zuten gaitasuna erakutsi zuten haurrek, ahaleginak egin zituzten, bederen. Pausuak ahazten zitzaizkien, baina ez letrak.

Mila abestitik gora sortu ditu

Imanolek, eta guztiak ez, noski, baina asko gogoratu genituen atzo: herriaren eske eta nahientzako sortuak, maitasunari eginkoak eta euskararen suspertzeaz arduratzen zirenak.

Euskal Herriaren luze zabalean egin dira ezagun *Mac Mikel*, *Kalera-kalera*, *Pinotxo*, *Hasi etxetik eta kalera*, *Txiki-txiki-txikia*, *Negua joanda*, *Ran Roverra* eta *Uztaia gora-gora*. Baina nonbait ezagunak eta abestuak izan badira, Zarautzen izan da hori, hala erakutsi zuen zarauztarrez gainezka zegoen Kursaalak. Oholtza gainera ere igo ziren: Montetxio korua, txistulariez eta musikariez lagundurik, Mantxi & Brakamonte eta Jaione Eskudero izan ziren Imanolen herkidetako batzuk.

Kantuek eta eskerrak izan zituzten guztiek ahotan. Aipaturikoek eta Andoni Egañak, Anjel Illarramendik, Mikel Garikointzek, Mikel Mendizabalek, Unai eta Beñat Gaztelumendik eta beste bi orrialdetan sartzen ez zaizkigun herritarrek.

Eta tartean Imanol. Bere etxekoan alboan. Urduri, lotsati, gustura eta kantari. Begirada askoren jomuga izan zen, txalo guztiak beretzat izan ziren. Herri bati kantatzen irakatsi zion, gaurko haurrek bihar abestuko dituzten kantuak sortu zituen. Eta behingoz, eskertu egin zioten, loreekin eta abarrekin eta batez ere kantuekin, bere kantuekin.

euskararen
donostia
patronatua



Donostiako Udala
Ayuntamiento de San Sebastián

zinea

- **Olentzero, Gabonetako ipuina**
Abenduaren 6tik aurrera
Principe zinematan

antzerkia

- **Ku-ku aitonaren erlojua**
Txotxongilo taldea
Abenduaren 14an,
18.00etan
Lugaritz Kultur Etxean
- **Txingurria, urrea eta erregea**
Ipuin antzezpena
Abenduaren 15ean,
16.00etan
Aitzako frontoian
- **Zintzoaren ametsa**
Goloka taldea
Abenduaren 21ean,
17.00etan
Gorseko Txofre plazan

magia ikuskizuna

- **Marcel magoa**
Abenduaren 18an,
19.30etan
Arrasate kaleko Kutxaren Aretan
Bageraren Asteazken Kulturalak
- **Txan Handia + Kiki, Koko, Moko eta Flax**
Abenduaren 26an,
17.00etan
Ategorrietako Zuhazti Eskolan
Sarrera gonbidapenekin (Larrotxene eta Okendo Kultur Etxeetan)

ipuinen ordua

- **Olentzeroren ipuina**
Abenduaren 19an,
18.00etan
Egia Kultur Etxean